

湘  
麋  
閣  
遺  
詩

陶君小傳

復堂文續公友傳之一

譚獻撰

陶方琦字子珍會稽人父良翰福建興化府知府君與兄方瑄同治六年同榜舉人光緒二年進士翰林院編修督學湖南以憂歸光緒十年服除赴京數月卒於邸有子五人君澹雅綜羣籍篤好淮南書治經究心鄭康成氏文章絕麗下筆滔滔如泉性尤服善人諷其失輒改定既上第退然勸學如初愛友朋山水悠然有千古之志視學日勤求賢雋惟日不足銳於著書彙艸十餘種往往鯁理未竟已刻淮南許注異同詁許君年表而已年甫四十齋志以終亦其覃思廣遠精力易窮如自知其不永年故汲汲有若不及與

湘麋閣遺集敘

惟昔壬午之歲與會稽陶子纘編修納交鄂渚風雲之氣金石之聲則無閒於贈處也君名家子稽古劬學角卯已然以家法治經以義例治史九流之言則推本於六藝以故高密未重孟堅淮南之書寢食涼燠紛綸述造著書勤恁寫定者十一二其爲文也深美閎約出入東漢晉宋之作者未冠能詩復好倚聲爲長短句追琢麗辭差自憙也長有四方之游所習多方聞士於是幡然一意師古舍其華而落其實衍問學之緒以昌其詩才雄而氣肅澤古而韻長尙友古人則於元和長慶閒位置之旨兼比興填詞益適上矣君承明著作之才回

翔詞館物望歸之視學於屈宋之邦輶車所至經術文章江山輝映已居憂解使事歸越明年乃爲武昌之游傾冠蓋益攤鉛槧而山川歎詠白雲黃鶴閒與崔李相揖讓不鄙謂予塵外之賞笙磬可同竊以爲鼎鼎筆墨器識宰於文藝君年未四十依流平進公輔可期等身之書亦儒林文苑之高選何圖除服還京師未幾遂謝賓客海內交舊慟於寢門夫以君曠代逸才未竟其干仞之翔而歸昌之音固已蔚爲時瑞人閒所傳如許君年表淮南注異同詁漢孳室文鈔略可褫其才性君詩詞藁艸叢殘未有定本方將訪其後人求納楹之遺書今年仁和譚君仲儀爲君同鄉舉道義素交來游鄂渚

商推文字流連作者而唏歔故人行篋有傳寫遺文譚  
君定箸詩四卷詞二卷可繕寫僕取讀之則語笑如親  
情靈不隔當年扇頭箋尾所舉示者亦往往而在良用  
慨歎復慮散佚爰命工梓庶布藝林然而風雲之氣金  
石之聲於今已矣光緒庚寅秋八月宛平瞿廷韶

湘麋閣遺詩卷一

會稽陶方琦

古意

儀璘迭幹運萬彙闢元化道籥本幽蹟心瘁理始迓我  
生苦驚瞽窺蘊等郊鱗江河渺津涯棟廈暫休假六合  
有盧牟所得判恆乍如御躡風驥正苦乏鞭靶安能學  
翔虛銜耀駉駉駕

世人不識大淺淺輒自喜牛涔豈生鱸羊肉徒慕蟻烏  
烏飭缶音乃作鏞鼓擬百牢饗野獸反授鬼神恥盲鏡  
與蹙屨不及一杖机俗儒市湊學蒞蘭雜贗臬凡石鏤  
青萍蛟龍鬱難起糞壤思拊撫勦名任岌岌

清風閣遺詩 卷一  
千古無孫陽驂騑甘白骨爨琴與荆璞相知已焦朋青  
冥降枯歛幽卉敷醢薜寒谷駛陽春涼臺蔭暑暍身世  
甯湛滯賞音非倉猝鵬鷄均一遭焉能自高狨霄漢有  
德望嗤君雕小說

楚越矜紃練但耀輿僿軀韋布百鶉結豈屑脂韋如簪  
帶恃瞥耀青腰非詩書男兒當用世溫飽胡區區桓榮  
誇食古亦非君子儒遂壑茂輪囷旋淵生璠璣儒生談  
經濟淺者嗤腐迂會當際 聖明瓌業騁天衢

夜過東浦

水落山塘十里脰疏叢煙篠拂漁簃明星楊柳臨汀笛  
小店桃花貰酒鐙森森波光搖艣窠生生寒色上衣棧

遙聽鐘梵南能動彷彿涼蟾漸漸升

雨上裴家陂

密雨灑不止白雲蒙山椒遶勝舁篋輿穿窰青篁梢山  
華生路傍淺踏色益嬌紅沙碾迹水滑滑登巖腰急溪  
鳴四山響亞千松濤羸煙滃遠嶺澀鴉唬深坳褰衣上  
孤墻溼痕泣蓬茅崖景轉空濛歸路語煙樵野人意慙  
摯一飯堅相要時有山人金姓畱午飯篋筍出地鑪揀茗瀹雲瓢  
出山泉本濁辜負山人招嵐靄暮蒼茫翦水叩行橈

雨夕

畫檻香囊疊几邊房龔明瑟護茶煙綠窗一夜新荷雨  
草閣寒江五月天



蟬

盡作中商調纏絲曳畫樓水煙紅藕晚江郭綠槐秋蛻  
露清無質嘒風迴渺傳夕陽千萬樹何處著騷愁

鷹

目極高天隘浮雲最上層脫鞴還灑落枯草與凌兢意  
蚤無凡鳥予將結友朋卅年存骨相讓爾試殊能

寄仲彝宜州

君近岷南我越東對牀風雨別離中故山未遂松楸願  
知隔天涯涕淚同

寄君適伯循

涼風滌微暑中宵開激襟緬茲正叔契咫尺離苔岑夙

歎薤艷牖寂寂爨下吟鴈俞降眞鑒古耳無凡音文章  
論交道所難在素心古誼今不施太璞我所欽

前年上京雒同騁紅塵轡大鵬忽圖南不如燕鶯翅我  
獨沈故鄉君亦浪浮寄今年快盍攢江荃飲深嗜相期  
有老母春暉戀餘喜善葆千金軀早畚耒勞意

一世沸俗學鐘礪瓦釜鳴鼃咬肆蔓流疇揚太簇聲生  
平愛樸學不識漢宋爭紹業師許鄭敦行法朱程前脩  
已千古何用心重輕拓胷在遠大無庸惜近名

齋中夜讀

舊學商量慨寂寥相期並世識劉陶銳抽高密義文學  
小補弘農詁訓勞悅世違心甯守拙窮經反本豈名高

著書未識亭林意南閣遺經任廢韜

秋夕答鎮夫

判影朝朝耐瑟居鏡溪風色已秋初紅菱塵市新賒酒  
黃葉谿山早著書魚宕菰蒲風獵獵虹橋煙雨晚疏疏  
縱然三徑荒蕪甚一曲猶迴俗士車

壬申八月十五夜月色獨皎同昆季雜坐遙望千  
頃一色洗盡翳相高笛俯唱三年來無此樂矣  
展更反齋成七古一章并示文沖芑田諸弟

澄湖擲練秋光平一匳滿月空中生宵宵踏月大隄望  
判然不及今宵明客秋遲月喟虛度煮鐙飽聽風雨聲  
比來端居雜憂患人有訴戚天陰晴百年不過百今夕

晦明沉復難意爭今年月出喜中正  
澂規萬里凝素清涼雲掃翳河畫  
縷夜嵐攷翠波搖晶冰壺濯魄了  
禪悅秋灘水澹人影行手攜羣從  
話昔事無那錯落肝膽傾自歎荒  
山計未遂湛埋莠雷如逃名江南  
江北好秋色汨沒鄉夢成虛縈  
擬赴金陵應何制軍之招弱弟今有鄂渚役  
謂栗苦言離別難爲情亦知關山共  
千里對此總覺愁如酲天倫樂事  
係夙分不有聚散胡重輕團圞天  
上無幾夕何疑下界歡難并只愁  
來歲益寥落天涯大半成遐征雲  
山漫漫望鄉國茸衫瘦馬黃塵嬰  
轉思逆慮非曠達當如三五旋虧  
盈迄今聯袂盡歡樂古來萬事常  
紛更仰看圓蟾益瑩絜笛聲脆逗  
秋蟲鳴

懷譚仲修

端居攬物候寒日下庭除思子彌襟曲意鬱焉足舒問  
此一江水坐令琴綦虛恆慕譚長經載肴阻區區締蘭  
盈前階芬芳挹可無平生雲霞交袞袞趨皇衢道誼久  
足耐聲氣貴日疏始交苦不博後悔追厥初惟此素心  
子文字足師模西方多美人雜佩繫瑀琚

春日勉公約仲修遊禹陵遂至南鎮同遊者眉叔

幼眉仲耆

會稽之山何岵巍巍巍禹廟羣靈朝配蔡樊寮肅丹楹  
龍蛇古壁垂雲旄年年香社春頭市鑪峰捷徑遊蹤駛  
摩肩切騎勝眾囂競入穹欄拜神妣我今考古得同調

岫嶠殘碑出虛造中有突兀窆石尊祕文駸蝕韜靈耀  
譚子當今振奇士胸有千秋足萬里網羅金石徵篆籀  
雄才碩學世無比覩此遐想手搢頰東矧同涉水經采  
後人好怪訟蜀越游辭不畏古王罪躋搜崇碣路百盤  
萬山摺笏干江環帝陵之名出秦漢三代典樸應從刪  
覆黼崇山尙峨嶻玉簡金書厯千劫至今蟠鬱有王氣  
青泥龜印山精讐相將蠟屐邇迤行嵐光草氣曛午晴  
紅牆百丈護靈宇禿松倒剝蒼龍鳴開襟寂坐豐碑下  
穹殿森嚴鑱虬馬天南一鎮最雄奇岳瀆神靈福中夏  
探奇有志重徘徊芳草綠上郊壇堆密陰一徑繞脩竹  
此行不爲名山來溪巒秀發會心遠淼淼煙江斜照晚

奇書禹穴如可求千載不數龍門遊

胡仲耆同年邀勉師仲修及季弟心雲同登快閣

雲水空明扣櫂過遠峯深秀畫煙蘿古人一去風流在

名士重來感慨多

前作快閣後記不勝今曩之感

蘭室琴尊新漱詠

堂風月舊婆娑閒行水墨山陰道百尺高樓望若何

用藏

園快閣詩句

遊吼山同仲修作

犬亭東中勝兩宕劇渟峙清遊無雜舄舊景搜新喜摩崖筱潭邃鏟石蘿煙起雲房薦山茗松籟落清徵遙望怪石撐人工謝天使驟聞鐘魚聲倦羽颯然止

二月十五日姚海槎齋尹

振宗

邀遊南鎮遂自青

林禪院上石屋

今年春興佳遊山獲殊福計辰未兼旬兩登茲山麓

前

日曾同勉公仲修眉叔幼眉遊此

篋輦遊松際差幸隔喧俗逡遁越仄

嶺沙脊漾交蹴微雨從西來雲氣滿大谷討幽塔院裏  
裘徑匝疏竹梵唄寂不聆遊蹤尙相逐巖扉窺屋底龕  
燈古光縮安得螭頭泉爭髮一爲沐

結廬近塵市長被山林嗤入林當深密清景始若貽古

人千載上軼軌畱人思

石屋爲陶庵讀書處

石佛鑿峽陰瑰狀走

山魑禪帷小息影屏棄人境宜樹陰黝敗砌苔色綠方

池巖禽偶戛鳴一默千囂辭相期拾瑤草清醒非獨知

主人約讀書於此



雨後

一池麤響出荷根添得新衫借酒溫青簟疏香生暗水  
銀鉤涼雨誤黃昏閒吹小鼎松明火漫砸生綃繭子痕  
猜是蟲轉清夢醒打窗清絕共銷魂

冬夜得李越縵先生都中寄書率賦卻寄

三冬足文史余獨苦厖蹴踴思渺潛蹟遊心寡晞沐佳  
日惜遷貿虛聲媿瑣黷邁辰藐躬頓毆飢片席蹙觸年  
學殖荒壯齒牖下慮今年歲在申春秋過歛儵敷闢策  
孟晉發篋期軸錄篋居斯廣益逃侶蔑諠告何意據幽  
懷忽降李侯牘至眷感弦筈高飭屏雕縟容才歸夙契  
翼道升後躅大文婉祖桓鉅律審官籙

寄示爲鄭司農  
生日記及題校

韵圖五  
古一章  
漢學千載炳  
續流一柱  
矗訊奇絲  
宿痼私淑  
何

餘馥吾越近百年  
經儒涉推轂  
先護緬顧  
茹專門法  
樊

謂莫齋蘭  
陸周篆  
軌轍囿興繼  
江山疏縕  
毓屹然出  
龍

門守正甘盤俗  
百家究支行  
六經討始俟  
東中馨稱  
蜚

日下儁彥逐聞風  
應振起嗣響  
須勉勦  
輕才負夙  
疚高

辭廣休襟珍駸知  
過愛青腹萌  
餘愿素嗜  
高密學  
義文

獲歸宿古經微象  
數雜學黜飛  
伏詩禮異  
師承文互  
闡

潛蓄聊補丁孫勤  
敢擬惠張續  
少年好雅  
故六書辨  
條

屬嘗謂漢儒業許  
鄭乃正鵠  
鐫譙任濁  
流寧挈疲  
大欲

曩修鮮沾漑咫尺  
聞少瑩劘  
駸駸孤盛  
許適適憂  
恆踟撫

時感歲暮  
夔膏奮夜  
讀展書發  
遐想雲山  
閒襟矚音  
華

鏘雜佩隳樞範。木縱令道里阻。猶有文字勛。會當揚清風。吾道行堪卜。

夏夕同勉公機棹皋市乘月觀水嬉

蕭管聲未作。濛濛只煙水。長碕繫畫船。燈火一闌市。明湖盎夜氣。皎月流雲裏。扣舷逸興飛。汎汎入菱渚。火樹耀晶采。沸紅叢耳起。何如覩鷗鳬。浪靜奏清徵。澄輝未及秋。高寒已如此。

秋日東彥清

槐院離離暮景悽。空梁雲影望中齊。異鄉花月涼天雁。壯歲衣鞭野驛雞。杼宵聲愁燭畔。崆峒秋色對簾西。金風玉露相惆悵。多少鄉心付馬蹏。

孫子玖丈垓自閩歸賦呈

篋中詩卷費重論越社風流古處敦老去才名蠻嶠徧  
劫餘文字故鄉尊千秋流別惟君屬一代風騷有幾存  
謂越縵莫漫離羣思老輩當筵鶴髮笑言溫  
仲儀

雨夕同仲修鎮夫坐復堂

清談不覺晝高坐識題襟始悔獨居陋最難風雨深明  
時重契合邃學久商榷浩浩高秋氣非爲遲暮心

十八日同人觀潮吳山宴於道院集者爲秦丈勉

鋤王子眉叔譚子仲儀黃子元同施子均甫潘

子鳳洲張子子虞預馬子幼眉朱子鎮夫孫子

紫霓朱子慕庵文炳

季弟心雲及余凡十四人

白雲山頂橫空飛渾渾江影搖禪扉萬瓦濃煙奪新翠  
高秋落木天光齊且喜今年腰腳健勝遊直接吳山讌  
飛甍縹緲度丹梯霧閣參差花外見主人好客盛尊俎  
名山高揖羣流聚並時上下逐雲龍箸書心事同千古  
畫巒遠嶂覲面生此來原作觀潮行雪山未擁雨氣晴  
濛濛江甸秋蕪平人生行跡本無定酒痕襟底前塵冷  
去年同仲修宴此地西興回首卽家山一片歸心入帆影相將勝  
侶重句畱瀟瀟笠履湖山秋天涯叢樹暮雲合木樨花  
老人倚樓少年豪氣恣磅礴雄心鐵弩濤頭落高唱黃  
樓羽服詞三百年來無此樂

贈黃元同

以周

涼風下庭除景物迫西望青林改朝色霜朝出平曠尊  
俎思曩會俯仰挹清尚黃中內旣潤文明外必朗名山  
有千古所恃道心抗戴公邈已遠恆業飭宗向

君著三  
禮詰

大造鼓萬物得氣始和暢與子徵心曲溫璧詎可況

### 湖上

霜天散澄靄林表濯初旭勝遊忘遠近厯覽轉山北蘆  
花徧西風搖動水一曲疏柳間名樓開尊飲湖淥各謝  
纓帶勞魚鳥遂性欲溪壑本空明動與文字觸不聞南  
屏鐘白雲忽飛颺

### 短歌行別故園昆季

丈夫所志在四方逸駒千里胡昂臧掛席滄瀛亦快意

沉當六幕輝文昌計偕並轡皇衢去草堂松菊愁羣侶  
春鐙風雨足荒涼離筵切莫歌行路人生萃散天所操  
臨歧黯黯情徒勞腰間寶劍鬱虎氣及時一耀光芒高  
側身瀕洞風塵外努力搏霄行自愛望雲親舍意褻裒  
涉岡子季思滂沛紅埃十丈東華居上春景物他鄉殊  
故園愁看梅華發天涯草綠當何如

嘉禾道中

禦兒城下路一水裒江隩連朝石尤風虛覬帆力足我  
行未千里及此已三宿不見鴛鴦湖焉知芳草綠

海船夜語同施均父高仲瀛白未同年

軒翥大波流乾坤泱泱浮天風吹客袂談笑下滄洲高

會參英彥雄談聽海酋

時與普國斯米  
德談中外事

熊熊東壁氣曾

照海鯨游

煙臺晚眺

斷崖錯鏐間一氣與海通蒼翠不可色夕陽還相宮銀  
薄雪練汎空綠只在縹緲春山中遠人於此停海撥還  
仞塵迹終迷蒙戊辰至此天衢翠水祇千里欲往從之蓬萊  
峰

沽口對月同勉公均父

水月長天朗明波淼淼空山河一影裏人海萬流中瀛  
嶼看金鏡津門接翠穹魚龍都帖伏夜氣轉溟濛

法源寺看花同陳蕙梁同年翥及彥清雲門仲彝



少箕

長安日日風霾中黃駝十隊飛埃紅出門垓北苦赤日  
局居又復憂慙慙選幽忽作塵外想招要褰帟游祇宮  
海棠合綠丁香紫倚階修竹參天松豐碑沈沈午陰密  
廢院宋宋春香空禽聲不聞雜樹暝白雲靜鎖禪房鐘  
側帽花間寄清歎卻愁芳事來怱怱沉意故園正華發  
爛漫亦與它鄉同今茲不賞復何補定嗟獵獵鳴芳叢  
我來尙爲紅萼主天涯何處無春風

又偕仲瀛白未伯馴少箕至龍樹寺

綠陰滿地如流水照我塵心湛不起交馳日日浮埃中  
送盡春光纔到此相攜並轡郊原行綠楊芳草嬌春晴

小構梵宮出林表迥然天宇飛長青古槐圓蔭覆苔甃  
明瑟花光照窗牖沈沈茗氣溼春衫輦水囊琴一關守  
平坡散步人意閑鳴鳩秀堞斜陽殷十萬濛濛人海裏  
幾人高閣看西山

慈仁寺古松歌同許竹簣同年景澂

潛虬竊矯盤長空青天飛雨石氣濃虬枝墮地忽攫上  
萬綠影裏人蹊通鬱鬱森森覆靈殿二百年來枝葉變  
昔人見盛今見衰樹猶如此人何戀千秋古物今安在  
樹木樹人同一槩愛護猶思手植賢榮枯定有神靈宰  
帝城偃臥歲月多冰霜雨露新枝柯高寒不與人世接  
洗盡繁麗畱天和春風桃李爭妍媚雨雨風風一朝棄

羨爾青青發古姿長會濤聲與山翠

送均父之隴西

儒生弢畧祖文字功名何必兜鍪始丈夫雌伏非英豪  
笑看吳鉤振衣起請纓昔有終軍賢定遠投筆馳長邊  
平生報國有奇氣弋篡高爵真淺淺吳興先生乃人杰  
朋翅摩天勦一擊慨想馱車上古讎鏃瘢萬里行沙磧  
天軍夙屯刪丹衛百萬穹廬曝金鎧五丈原頭諸葛旄  
樂都城裏烏孤壘方今

聖世消天旄竺生碩補鄂與褒亞父細柳萬盾肅伏波  
銅柱千秋高先生杖策隴西去莫府多才從如雨舞稍  
黃皮意氣雄神鈴熟習書生武龍門倒卓發孤憤歸伴

凡魚誠可閔何似長征入塞陞駝囊瀉酒丹顏韞戎瓊  
坐論神飛揚男兒四十功名強萬言露布倚馬待幽燕  
爽氣天開張卻稱歌詩最雄放扶風豪士今誰兩一曲  
涼州西出關薊門柳色青無恙驕炎五月行路難秦關  
百二愁巉巖家山如薺莫回首恐有熱淚彈征衫客中  
送客情蕭索羨汝壯懷佐戎幕此際題詩落雁峰他年  
畫筆淩煙閣長安西望毋徘徊高歌遁上悲風來不須  
絲竹送君別銅琶激宕青琴哀

夜飲越縵堂

疏簾滿明月宵深受花氣竹梧弄清影胡牀落空翠秋  
蟲遞夕響單絺饒涼意茗話轉幽邃彈碁覓閒致相洽

在性情奚必示文字況復游道宇墳冊頤嚮志常宴夜  
可續清言物无忌仰視霄漢明高懷契仲箋

六月二十三日得鎮夫寄書率臆書後

儒生致身苦不早天涯末路風塵老競言經濟復何爲  
造物忌名人忌道吾社朱子才英多肝膽嶙峋鬱奇抱  
覃討墳典歸有用孤縕經綸敢自小來書頻煩計時事  
滄海王尼悲潦倒深歎下帷發奇策尙期攬轡馳周道  
彗星一丈經天明占者胥云西事兆魯夷輕狡不足信  
要使天威首征討豺狼縱宥及狐狸安見奇霆震絕島  
沉復東人覬獅仔一發南中動驚擾海上今無俞戚才  
越易爲墟吳可沼與君同居東州偏沿滌籌防議虛宿

一身漂流何足惜坐恐四海成橫潦邊置多事未有艾  
魑魅近人將不保彎弧何計射天狼磨劍無由撲羣獠  
書生文字終無靈一卷陰符看草草末須蒿目起孤憤  
且醉中山千日醪

秋夕懷彥清雲門

孫登善狂嘯孝謙抱奇氣二子吾神交至愛軼昆季今  
年同事皇都遊一擊不中還故邱骨相權奇鮮時媚人  
生識字成鯁憂彝陵之北湘水流花萼離別吹鱗愁

謂仲

彝相期三島拾瑤草胡爲漢水東南浮涼宵風雨思淮  
汝中州信美非吾土定知康樂發會吟未必步兵契河  
侶我亦京華旅食身杜門讀書夕復晨李譚絕學恣探

討潘

君述濮止潛

依依道誼純金臺風月亦不惡無如

旅客非其人秋風一葉動歸思名園社集終因循

謂勉公眉

叔幼眉子健紫霓

異鄉歲月久益促親朋文字無更真愛規不

聞盛歡淺當時笑語如輕塵嵩雲楚水流不盡相思夢裏傾芳尊

七夕李忞伯先生邀同王元極大令麟書張牧莊

舍人錫申鮑益甫同年謙敦甫太史臨濮止潛

比部子潼胡匡伯樞部壽鼎宴越縵堂

客裏訓佳節琴尊樂散形主人真大雅今夕正明星離

別祇朝莫

次日元極益甫均出都

乾坤此醉醒西流河漢渺秋氣

溢空庭

贈止潛

與子同心曲天涯有幾人中年何所樂大雅得相親肝  
鬲窺非淺文章勉在真他時離索感努力策閒身

蕭寺話雨同仲修儀父止潛

高秋景愈清乍雨心更寂初地弭飛塵秋卉悅履舄禪  
房花氣罨疏寮窈然碧旃檀溼煙定古佛儼同席梵憩  
豁凡想無言反真宅名心庶淨鑿道辭莫深闢攄中抱  
各寄緬初情多惜安安整襟坐瀟晦以終夕

古意錄別都門諸子

春花獻明媚不可受微霜高寒松柏顛亙古有多陽斂  
聲爲奇芬瞥耀無久光賢者識遠大至理保中藏



匄襄不得行出門一舒歎世論皆悠悠甯謂知己少淺  
覲吐深誠後悔易文貌何如各不識惠怨兩無報

龍門何岌巖孤桐亦百尺青雕薄長天幸無浮雲隔遠  
密彌性情文字尙其迹我生得依歸隆誼自桴積

盜戢來嘉朋人生良所難盛遊不及朐索居緬昔歡春  
光縱華悅秋心崇肅寒狎言不終席道義我所安

飛鴻振哀音參參天之涯名花委泥涂草莽可無辭曄  
祛重須臾終愈長相思各盡一尊酒勉勉相見時

諫草堂謁楊忠愍公象

公之忠義萬古伸不能回感青詞臣公之慘死四海慟  
不能追發明王夢廷臣用杖禍之始三百年來養何士

權宰貂璫迭主持一代忠臣盡柴市白日無光黃沙哀  
君臣如此無可爲同時夏沈悉駢戮髮膚均毀神不虧  
惟公死事尤憐異忠肅在前後莫比卻笑蜥蛇膽尙粗  
畱得忠肝照天地張夫人奏獄內書一家節烈千秋孤  
到今文字照星巒想見浩氣無時無輝輝祠宇帝都在  
髣髴英靈護前代鈐山唾罵無一坏不及岳祠缺秦檜  
忠孝食報天所慳臺諫大節青史刊當時若死仇鸞事  
一死未必如泰山

海船同王詠霓子常尹金葵秋雪周卣篋叔

天風歛漢下銀槎雲裏神山縹緲遮愛護波潮正秋水  
裊裊風露尙天涯一年浪迹江湖梗萬派秋聲海國笳

拚醉清尊作豪唱遼陽曾憶聽銅琶

戊辰南歸同秋雪海船迂行遼東

### 滬上喜遇藍洲

慙予飲湖約吳浦忽相親爲訊京華侶

謂復堂

將行湘水

濱大江流不盡歸路有何人垂愛餘文字商量去住身

### 雪夜裏譚子仲修

寒雨響淙淙殘鐙共一窗那知今夜夢仍復度錢江

錢江流不反客子去何之千里皖山道荒荒風雪時

### 喜彥清自汝歸

故人千里外不見每思之君有家居樂予方病骨支弟  
兄中歲感風雪壯游詩可惜征塵洗膠膠歲暮時

寒食懷仲彝鄂北少貧淮上并寄心雲剡中

冷節無慘洗玉尊禁煙門巷柳條新人生寒食長虛度  
花底東風又暮春天似嫩晴初霽候我如新燕乍歸身  
簾前草色看成綠愁到天涯有幾人

望射的峰同彥清

年年不到樵風徑來看仙人射的峰春色已深蒼翠合  
午晴無定白雲封文章應免山靈忌泉石宜畱我輩蹤  
臥讀嵩陽北遊記颼颼巖吹落高松

時覽寄  
龕文

書陳駿孫孝廉繼聰明季甬東彤史後

漂搖霜後枝墮落井中水古井本無波飛霜湛見底陳  
髯鬱古裏文章乃信史發潛隸諸姬敷芳緣彼嫩吾聞  
甲申變忠臣甘就死詎知閨幃中大誼亦如此明州在

勝代貞珉渺難紀磨笄烈眇匹填海寃孰儼賴君闡幽  
衷苦節表齊軌鏐錚金石質流音入變徵到今三百載  
誦之涕瀾瀾歲寒見松柏日莫敬桑梓皇天照后土先  
徽振今靡

聖朝重義節不以殷頑比況復系巾幘旂章固其理懿  
矣式芳規當從赤堊始

郭晚香同年傳璞招飲金峨山館集者十二人分  
均得家字

畫堂沈沈然燭花海孺風月天之涯主人愛客盛裾舄  
金尊潏灩飛流霞有酒不空客常滿坐中北海鬢已華  
甬東老宿半同輩謂覺老驥公相知已晚吾其嗟平生耆古

君才癖先秦祕牒紛梳爬繙帙奇書高一尺慧業祇許  
才人誇大梅已往老柳死橫經弟子君侯芭文章盛名  
必副實風格適上芟淫哇名山志業有千古富貴一耀  
如春葩筵間半是不羈士吾道何必爲龍蛇天台仙使  
雲門客謂子常貧叔  
楊蓉初中翰同來碧漢浮銀槎此會當奏德星  
聚鈞天雅樂鎗箏琶明時未合便積放盛歡難得今何  
奢所惜來朝片帆去無緣再醉林宗家

夜雨宿諸暨縣中

瀟瀟餘潤薜衣邊暮色連雲暗市廛人事流波心上下  
小樓疏柳意纏綿宵鐙吹火收寒地山縣敲鐘破夢天  
知是依依鶴柴語未如蕭瑟對牀眠

對月裏復堂皖中

青浦傳書後索居懷古歡故人多異地名士半麤官皖  
伯千山月今宵幾處看明年春色好能否憶長安

得君述都中書率賦并柬止潛

我居於越君適燕不知道路之幾千涼秋鐙火畧可近  
念此忽覺愁茫然人生聚散有何定天涯知己終纏緜  
纏緜似繭復似絮千絲萬縷春風前炎歊一月閉關坐  
湫宅何異深山禪喜君客居密澶濮可以笑語溫青氊  
潛子善交楸情愫匹之如筭毋離弦文章氣誼若醇酎  
日飲日醉甯非緣獨余索居隱述偶浪浪風雨虛堂偏  
風雨無聲人無語彷彿貢夢君之邊有尊不空琴在側

三人對影歡蟬嫣高堂稚子並無恙爲期努力策盛年  
夢醒顚顚猶在耳淒然寫作懷人篇

冬夜宿開元禪院同勉公寄龔

初月照禪林霜昊氣森肅良迷盛翁合笑語溫信宿西  
風吹飛藿吾道乃松竹歲星互東南天馬先西北時彥清將  
北上明時颺芬芳茂年富膏沐豈無歲暮感得歡意已足  
文雅有餘妍江湖多近局鐙火娛永宵浮屠戀陳謁萬  
物蟄重陰華采幸深蓄努力玄髮怡晨鐘聞豈獨



湘麋閣遺詩卷一

湘廩閣遺詩卷二

會稽陶方琦

遊戴園同眉叔

園林如故人一見便欣賞  
草石仍蔥瓏環池鬱相向  
初春鮮花卉微風得清響  
倚闌眺遼闊靜步覩閒敞  
飛鳥偶一鳴白雲時來往  
清談侑山茗前遊空想像  
勝仇不可卽長吟亦神王  
匪微攄離懷當使塵心朗

楊村

草宿楊村驛泥塗曲曲盤  
百年皆過客一雪有餘寒  
鐙火光相邇風塵興漸闌  
故園今夕坐應已說長安

慈仁寺看花同李越縵先生秦勉公寄龕雲門仲

彝諸子

山簾團香點春衣  
千紅萬綠花光齊  
東風十日畱不得  
朝朝祇作花間迷  
世間萬事塵與土  
況復韶光過百五  
城西古刹花事繇  
破得中人產十戶  
花邊多少金杯寬  
我來啜茗棲禪關  
下界何人忽吹笛  
萬重翠靄開西山  
法源寺尋春和勉公

畫簾不卷晝沈沈  
款夢尋詩舊日心  
十日東風花氣猛  
教人相見已春深

和越師歸自城南晚坐花下作

勝遊無餘意各自  
江亭還先生朝隱  
居水竹偏蕭閒  
繡砌苔弄霽垂簾  
花曜鮮高樹落微  
風低檐亂暝煙不  
知

春事去朝朝。揜竹關舊書。疊棐几。遙望多爛斑。今年富  
文雅。尊舄續前歡。靜觀怡眾緣。生意各一天。素心固不  
易。常離咫尺間。

重五遊龍樹寺

天中宣令節。乘興覩俊遊。平林闌煙梵。雜花明高樓。卷  
幔出茶香。西山晴翠浮。窮睇郊壇陰。夕陽還句留。

擬唐人古體三首

王右丞屋上春鳩鳴

春風應時至。農時起東陌。垂桑百十株。交暎臨水宅。門  
前春草香。江暎繡成席。鳴犢從何來。但見露田迹。

孟襄陽松月生夜涼

空山月四照夕風泯嵐翠泠泠秋澗聲時有幽人至疏  
林無遠近參差影在地深竹涼螢飛幾點出山寺

儲太祝種桑百餘樹

村居有餘樂夙好在田園蒔桑多盈條植竹多成竿春  
塍間流水老圃屋幾間繞籬富雞豚補綴喜苟完隔隴  
數鳴鳩開窗見晴山香風散熏氣花草空野繇閒居習  
耕釣襍處無後先父老攜筇來欣然供尊盤疇咨春事  
已笑語多團欒薄飲興未消倚醉臥風前深惜良夜短  
耽此長日眠茅亭架桔槔一路聞山蟬

夏夜喜雨呈越師并柬雲門

自有清涼境無嫌著綺羅六時親几硯一雨渺江河花

影依螢定苔光蓄水多遙知飛爽至擁卷獨高歌

爲潘星齋先生題小鷗波館詩意畫冊

梅花一白幾千樹煙影參差暮靄新雪海濛濛香不斷  
萬山吹笛是何人

天光雲影兩空涵點點飛鷗落暮潭蘆葦蕭疏水明瑟  
煙波無際似江南

古洞虛膠萬籟生一聲清唳暮煙平松風亭畔孤山路  
仙鶴原來少世情

虛廊寂歷苔花綠謾謾松風閉院門琴衲無聲仙鶴睡  
那知人世有黃昏

畫境蒼寒深復深羚羊挂角渺難尋清泉老樹無人識

別有悠悠太古心

木落霜高秋氣寒  
空空明月照雲端  
本來金碧樓臺影  
也許荒山冷眼看

爲潘星齋先生題秦誼亭江村歲暮圖

雪意漫江天  
松篁卓清影  
淦淦煙水闊  
一鶴載歸艇  
沿行出釣磯  
遙望籬落整  
開軒納暝色  
結廬逃入境  
斯時青陽偏  
相與娛晚景  
歲盤獻媵臘  
爆竹散洸洗  
人世多繇擾  
眾醉誰獨醒  
不如坐山窗  
側帽吹茶鼎

越師約同人作歐公生日集者  
王子蘂城潘子伯循漢子紫泉  
羊子禔盦陳子汝翼孫子寄龕樊  
子雲門胡子匡伯及仲彝與余  
凡十人

疏柳垂陰開水榭白雲旅旅翩然下匪乘雅集圖嘉賓  
願陳縣蕝爛高廈清流敢許忘形骸十人盛服于于來  
辦香設席從今始殊禮應自宜州推前月十二爲山谷作生日歐公  
三十登政府赫舄才名爍今古相業不讓杜富優史筆  
直從馬班補廬陵千載仰山斗懷肅須眉震朝右光獻  
垂衣政始新非公忠義將箝口我曹允散何所爲庶期  
節義持衰積丈夫得志豈默默原心畧迹已可哀滁州  
生日今猶拜渺渺清風識宗派芳筵沈醉我不知一丈  
斜陽照花界

寄懷都門諸子同蕙梁

五月京華逐隊遊又憐分袂向深秋尊前夜月津門酒



花底西風玉笛愁獻賦尙羈金馬署懷人應在白蘋洲  
鬢絲莫照明湖水鴻雁飛飛在上頭

海上望之罙

三十雄心倚劍豪  
柁樓長歎看宮袍  
參差桑薺天涯遠  
清淺蓬萊水勢高  
宵嶼明星流碧漢  
海門飛雨入秋濤  
瀛洲仙客何人見  
手拂珊瑚釣玉鰲

秋日同蕙梁遊湖上

幾日霜晴汎槩牙  
湖心綠葑繞隄斜  
二分塵土歸流水  
十里溪山看晚霞  
深閣蘆簾生暗雨  
小舟茶鼎隔秋花  
他年鷗鷺如相約  
結屋西泠便是家

蕙梁閩人  
欲居西湖

次雲門叔寅來詩均

爛然箋紙發明瑤相貺離人正寂寥天末相思祇明月  
秋來無賴是長宵花間金盞人何處袖底香囊帶幾條  
愁絕蘄門秋柳夕黃塵如水罷吹簫

偕子虞上吳山茗飲話都下舊事

每愛林泉寄此身得逢杯酒意尤真吳山茗味思前事  
癸酉秋日同人  
宴吳山道院秋柳風姿似故人屐齒此生能幾兩鬢  
絲無恙各相親西山嵐翠西湖水祇是迷離隔一塵

臨平雨中寄內子

江峰蕭瑟響寒流銀燭光深照別愁我是水程纔一夕  
累他閨夢到吳頭

一葉孤帆冒雨開離亭惜別悵銜杯願伊夫壻如潮水

日日西流卽便回

晚泊淞江燒燭作畫悄然思深

嫩晴天氣暮雲浮疏樹寒城抱水流  
扇底黃花憐燭影江南楓葉盪人愁  
幾家水調吳儂酒半夜霜華越客裘  
卻好深宵研畫理不堪明月照樓頭

坐火輪車至吳淞

六螭掉尾江干遊恍惚縹渺之飛樓  
歎煙飲水鼓銳氣鐵路一道開平疇  
遠眺甸墜若電掣俯瞰槍纍如江流  
憑觀不得一汎盼疾同電鏑附鉦毬  
中行小憩陞旗處

地名

天光野色春雲浮吳淞卅六僅彈指  
火龍遊戲力胡適奇肱飛車毋乃是  
涓于炙輠真不休騰蛇神靈亦

有限煙消霧散同螾蜥雲煙過眼本如此西人狡獪奇  
獨搜滬中地力久虛竭鑿空騁險宜荒陬自予不守安  
步戒西人于汝夫何尤

舟行二日始抵鎮江風雨淒滯可感

春波澹澹柳條條霧泊風羈路轉遙鐙影暗來瓜步水  
江聲疑和玉人簫餘香罨淡畱雙袖細雨荒寒似六朝  
卻憶江南望江北那知身始過金焦

望小孤山

愁心直下洞庭舟相向孤山翠黛浮高處風鬟低霧鬢  
明朝楚尾昨吳頭挂帆鏡曲疑天遠鼓瑟江心聽水流  
何處蘋花香不斷那容飛盼到妝樓

雪夜泊九江

大江一夜雪客子在天涯  
浩瀚東流水蒼茫獨憶家  
短衾憐暗燭高枕起番笳  
自抱長風志來乘千里槎

和蕙梁寄懷韵

春愁親與繡羅裙萬縷千條別  
緒紛花下雨聲聽夜半  
酒邊心事惜春分深情蘭葉三湘水  
舊夢梨花一鏡雲  
不與韶光共妍媚淡紅香白笑羣羣

夜坐湘廩館懷蕙梁伯循蘖城茗樓

江南薊北路迢迢千里相思幾暮朝  
黯黯鐙光圓昔夢  
深深心事送歸潮  
棗花細火初三月藕葉秋聲第一宵  
回憶對牀蕭寺地不須風雨也魂銷

雪夜懷人用韋蘇州同德精舍養疾韻

臥病城北隅，遠樹落翠積。但覺海氣寒，不知滿風霰。鍵關養餘閒，沈沈寂嘉讌。一歲無多時，天心亦將變。還念故園臘，消寒集美彥。雲山渺難卽，雨雪今又見。折得梅花來，窗前散芳綯。

雪晴過黃浦夜飲沈氏舟中

朔氣卷平皋，寒聲落暮濤。北風吹海橫，大雪際天高。豔影圍紅燭，歸心看寶刀。絲哀兼竹濫，一醉未能豪。

送子宜之官閩中

夙愛閩南風，物殊一官迢遞送。春餘故人大半思，從政薄宦何曾廢。讀書別後愁心楊柳遠，到來鄉味荔枝初。

客居尚有檀樂樂海嶠飛雲足慰予

雨上龍眉山

松氣雜雨氣一白不見山沿行越數嶺巖翠發爛斑溼  
雲蒙樹飛怪石夾澗懸春流聲遠近多在山花間登高  
豈盡險祇緣安步難下視皆泥涂憂心形於顏

遊快閣

師山相标鬢矗矗鏡深沼雨氣破蘋光玲瓏走飛瀑廊  
垣積春陰遽綠互回繞此心愛澄靜聊以暢襟眺

滬城西門內翠漪樓家退葦方伯僦居於此樓外  
萬綠翳映若畫近葦密樹簷沙生風朱塵簷飛  
白日度耀晚涼清吹餘爽上衣開鏡屨以傍水

颺簾波而散香每至炊茗翫月雪藕品泉尤愛  
宵坐以領清趣常聞棲鴉盪葉吹蛤上沙夜景  
明瑟豁啟心耳頗似故鄉花莊諸勝浮家人海  
之外結想山林之間矣

密密交蘆繞鏡傍綠陰如幄宛江鄉畫樓一雨收官暑  
銀漢雙星照女牆曲岸池魚翻葉響明簾衣麝雜花香  
煎茶小熟攤清簟菰米時時夢遠塘

揚州寄弢夫

往事淒涼黯玉簫歸華銷歇總無慘二分明月畱花影  
六代春愁過柳條風裏珠簾新夢覺水邊湘簟薄醒消  
空巢燕子知何在莫問當時舊板橋



夜泊泰州寄懷故園諸子并柬雲門

迢遞思鄉意未舒空波淼淼獨愁予天涯星點螢相似  
江上秋心水不如別恨題襟難醒酒涼宵燒燭漫讐書  
文章信美知何用贏得年年道路餘時校補淮南許注  
存疑二卷已寫定  
矣

謁史閣部祠

嶺雲祠樹護前朝勝國忠魂若可招萬點梅花照袍笏  
二分明月送江湖臣心鐵石千秋感王氣東南半壁銷  
直北不堪回首望思陵風雨更瀟瀟

大興傳戍牧

杖

手拓漢魏輒見貽賦小詩報之

古甌西漢爲奇珍黃龍紀元千餘春軼藻焜燿媿球璧

莫謂金石南天貧廬陵應嗟未及見漢後隨前有此人  
鵲觚愛耆富搜拓景元寶鼎無涯垠單坏片碣儲累代  
羅列典寶箋斷斷余生墨守許鄭學義經鴻烈義駁陳  
獨恨陋心畧金石芴粗淺敦誰融甄喜君相贈等雜佩  
報辭卻愧非玢璘憶昔間經侍滂喜潘侍郎漢甄亦歎長  
狸溼廣陵尙書歆五鳳西京氣體山嶙峋家藏諸甄首  
吳代鳳皇二年文可循舊藏吳甄文  
曰鳳皇二年歆持欲質何譏匱  
遼東白豕吾其倫

九日同人集娛園分韵得上字

有序

戊寅歲之重九日天氣融燠過於始秋風物閒美意  
興適上乃承秦勉公之邀與二三知己集於娛園續

曹山之前遊爲臯社之勝聞水窗通明苔蘚若畫木

樨播馨于垣陬柳絲垂陰於水次其時嘉筵盛設烹

鳧麋鰕菱芡大肥琴醴並雋勉公以淮海之賢爲林

亭之主同人則有白眉之良

馬幼眉上舍

善獻之客

孫奇龍同

年少章能文

秦詩舟茂才

敬遠作達

舍弟心雲孝廉

流連觴詠以

永今夕是日也又以余有入直西清之役相與祖行

良辰賞心不感判襪兩家昆弟三徑求仲久闕一聚

亦云幸矣夫以娛園者獨秀東臯林木蔚遠微雲之

樓可以遠眺絳霞一天殘荷滿池清景是契匪微地

勝繇采葛之餘思知益戢之不易日月辰至不可虛

度登高作歌惟以詠懷各疏時日以志雅集後之視

今亦如此也

清秋反餘煦勝心託高尙名園萃良仇風會迴修曠頻  
年度重九遙岑鬱相望迹區誠徒勞侶寡情匙暢自侍  
北海尊茱萸續疇鄰庚午重九集於曹山已九載矣高原人所登馮樓  
豁遐鄣連榭樨花縣明池柳絲漾草木多陽春林園無  
俗狀飛鴻遺遠音託意霄漢上子牟眷魏闕伯陵樂汧  
嶂出處會有時相离密思況幸茲盍摺雅宴笑識宗嚮  
秋夕同鮑鏡予前輩伯循坐媚香樓

繡幃彖曲照通房花葉蟬娟自有芳香袖遮成三里霧  
涼箏彈醒一天霜海壖風月銷金翠湘水簾櫳聽玉璫  
鏡裏莫量眉黛影玉階秋草比伊長

和家退葺方伯均時同寓滬西門內

僂遊蹤跡向天涯人海相依閱歲華客裏杯盤工說餅  
秋深樓堞半藏鴉西風簾幔參差樹秋水芙蓉遠近花  
爲愛山林在城市本來通隱是吾家

九月初六日

召見

養心殿恭紀

含香宮省肅踰馳銀燭朝天待曉時天際

玉音清禁地殿中珂佩漢官儀愧無涓滴明時報已有

文章

聖主知

兩宮垂問在  
家多作文章否

深勉楚材持玉尺一朝師弟拜

形墀

是日張侍郎  
同請訓

重九日同人相餞天王寺

登臨風物喜秋晴  
絡繹華韉逐隊行  
牆外西風接天際  
座中杯酒動鄉情  
彩光照水來初地  
塔影移雲入近城  
此後相思似重九  
相期努力荅承平

涿州

涿鹿古時郡  
憑觀萬景開  
州宜天下長  
人自日邊來  
戰壘餘前代  
山川幾霸才  
會看朝旭近  
桑影照樓臺

先主樓桑

村在涿州

曉過安肅

曉征發武遂  
初旭尙未起  
市人爭指顧  
花旌何戾止  
出城平疇曠  
龍山青迤邐  
清霜被長坂  
疏草結珠蘂  
高柳

作濃陰俯瞰一泓水是時秋風凜餘寒皎肌理道路紆  
且長前涂問鞭捶

定州

曲曲平塍抱水流蕭疏雲物望清幽蓬禾滿地無人管  
匹馬斜陽過定州

定州道中望西北諸山

眼前諸嶺特崔嵬雲氣蟠空萬里開雁點天光隨塞落  
馬蹏秋色隔河來漢郊珪玉神仙府趙郡風煙將相才  
自古常山形勝地雞鳴臺畔獨徘徊

光武雞鳴臺在定州

有感

畿北數百里居民最窮蹙官道人愈稀荒村穫罕熟散

木聳遙陰阡陌獨繇複人煙間成聚秋瘠不堪日挺土  
壘作牆斂茅葺成屋積雨牆半圯衝風茅全縮遑論居  
乃爾饗飧苦不足梁黠刈盈擔未抵一盂粥況遭瀕歲  
儉民生日窶跼江南富戶居百椽一食下箸日萬錢雕  
甍畫棟置間散金腴玉臙成腥膻極麥踵華猶未厭安  
享廣廈與良田雖然富貴等邱貉豪華何以同迤邐天  
道淵微不可測每思此理心皇然

臨洛關

木落霜飛沙氣濃深宵簾幙掩芙蓉臨洛關外朦朧月  
照過家山第幾重

邯鄲



曙色開旌仗邯鄲大道長浮雲趙州土初日曲梁霜洛  
水車流合叢臺舊趾亡鼓鼙思將帥人世幾滄桑

鐵牌行邯鄲令文鏞爲余言之

天下神物多靈奇邯鄲鐵牌乃其一有功於民則崇祀  
不憑於神憑於物此物鐫自元中葉廣逾二圭脩半笏  
精光剝蝕蛟龍蟠鏽澀落花井心沒傳聞禱雨有奇譴  
迅降滂沱蘇旱堡至寶豈僅一方用天下蒼生望尤亟  
有用定爲當王貴無聲足令凡物屈今

上龍飛之三年晉豫兩畺災更烈

兩宮憂勤減朝膳特命大吏持旌節恭迎寶物祈甘霖  
深慰

聖心隆報秩趙人共快白璧反尙方更鑄黃金式

兩宮命鑄

黃金如牌狀重十鎰

藏之守土永保用奇暉照耀紫山側長白文

君言尤詳余歎聞之深歎息更願暘雨時調餼寶器深潛慎毋出

### 鄴城裏古次雲門均

臨漳西望鬱隆崇終古興亡感慨同百戰奸雄皆草莽  
千秋歌舞幾兵戎石鯨細雨迷荒苑銅雀春深鎖故宮  
一片韓陵乾淨石夕陽分照大河東

### 觀淇水

瞻彼肥泉道雙輦緩緩行風詩千古在淇水至今清宛  
宛漸裳地鏘鏘佩玉鳴西風吹莫緊都作大河聲

汲冢

竹書幸免強秦劫  
梅賾空傳僞古文  
一卷周書符漢志  
千秋惟有魏釐墳

晚阻河次

日昃越修武  
欲渡聞無船  
長天流不盡  
荒葦滿前川  
灝灝接長空  
停帆汴口東  
黃河天上落  
千里動西風

臨潁驛館中步月

寒空如散水  
紅燭畫簾深  
明月中州地  
闌干萬里心  
幾叢疏樹影  
一帶矮牆陰  
還聽城烏起  
蕭蕭動遠林

未入遂平道東風大作

亭午風怒號  
喧壓勢莫測  
飛沙卷空中  
天地同一色  
雲

陰迫埃甍俄頃變蒼黑村樹助厲響奔濤偪耳側曉發  
指房城駟征未休息蓐食戒旦明迤行遇下稷僕馬已  
瘡痛羸然予心惻幸持

天子命足制封埒力叱咤庶可平黃塵洗鞭勒

未抵确山再疊前韵

風靜曦輪升天意信難測蔚藍冒雲氣平疇占青色踰  
度高下阪遠樹望窅黑烏鵲不歸林羣啄空脰側中鵝  
确山界賢宰供餐息吾道豈溫飽得志希離稷汴州游  
歲飢聞之予心惻安集與撫字端資牧令力峩峩朗陵  
山此言可鐫勒

輦中覽授堂集三疊前韵

偃師富經學古義數揆測孤說徵周官王閭皆奪色金  
石恣夙嗜椎搨紛朱黑大興致賓禮遺賢揚陋側乾嘉  
盛漢學沆瀣諧氣息小試宰博山襄易頌豐稷窮經能  
致用民瘼起隱惻始知循良吏惟藉稽古力著書十萬  
言字字貞珉勒

余夙好許鄭之學畧有著述均未卒業覽授堂文  
輒用緬憶先述淮南許注學四疊前韵

麟辰愛諸子鴻烈首沂測閒詁宗汝南薈殘黯無色魏  
公著題篇千秋分白黑記上銳刺取宋本羅几側苦心  
迷異同朝餽不遑息道藏多麤亂辨種若黍稷存疑畱  
一編孤據慰感惻前儒校百家精審無餘力猷遺南閣

義混淆未剖勒

舊著淮南許注異同攷四卷許注存疑二卷淮南校正二十卷

再述鄭君易疏學五疊前韵

古易傳費孟中祕奧難測高密述羲文元城已暮色經  
神集大成壁書紛漆黑不易變易中天人蒐靡側典午  
竟立理鄭學幾絕息爻辰与互體紛爭類齊稷深甯集  
燼餘千年有同惻

舊著鄭易小學二卷鄭易爻辰解二卷鄭易京氏學一卷鄭易馬氏學一卷

國朝蔚經學易賴惠張力小子有所造猶追駑馬勒

再述說文分通釋學六疊前韵

汶長千秋學訓詁洞檢測讀書不識字猶令瞽辨色段  
奧王嚴精六書后黝黑揭槩九千文籀斯宛在側稽譏

究滋乳譬欬通一息古讀本賈逵攷經類張稷

舊著說文古讀

釋八卷說文經義釋四卷說文博釋一卷說文人姓名釋二卷

卒業苦甚難半途深凜

惻或嗣校議規庶明解字力許學三不朽私淑永討勒

謂淮南閒詰五經異義及說文解字

### 再述爾雅漢義學七疊前韵

雅言發至聖六藝富表測弘農掩眾解剽竊非正色璉

曷益疏陋古義墮昏黑今代賴邵郝舊注正頗側健爲

西漢最樊李共胎息劉歆解蚍蜉恐亦粟混稷叔然名

互見遺文令余惻讀書二十年或紹錢臧力漢後絕刺

取初曲守兜勒

舊著爾雅漢注述十卷

### 讀邵亭詩題後八疊前韵

扶輿閒氣開生才信不測先生居獨山讀書無慍色潛  
心討墳典經幃炳丹黑緬昔漢尹珍君敷南域側剛水  
演鼎原師承獲吐息吟詩儕后山擘書跨薛稷觸丹紅  
石灘湮淪發隱惻無滋荒津惑慍見經眼力經眼錄已行世  
巢與邵亭同龕一彌勒

行確山至明港驛題壁

曉旭矐矐耀使轅莘征一任路彎環東風日夜吹乾雨  
南驛煙林看飽山入確山界四面皆山确犖何嫌行徑仄夷猶反  
幸此心閑試登蟠嶺重重去縣內有蟠山先有飛雲度漢關

朝行山中得長句

十里五里山一變近者山腰遠山面諸峰雜沓迎前生



蒼靄重重忽飛散仄行磽确夾蹊步曠若山田開坦衍  
竹林深翠市半麓更有清泉綠回淀寒沙古木動繚繞  
路入箐叢山忽斷平岡裏町益深秀三兩村扉倚巖畔  
崖氣蒙茸古黛飛巖光罨盡朝暎絢小橋響葉流一溪  
空隴嘯禽時數轉遙岑寸碧忽有無森森翠微通一線  
入山必深林必密方有奇觀出無算天然圖畫寫不到  
恐付荆關徒贊歎苦無邱壑置胸中差幸林巒都未見  
我慙不作山中居愛玩清光閱昏旦長吟招得天風來  
吹送飛雲入黃峴

望君山

挂帆聲裏浪潺潺猶憶垂髫此往還鄂渚南來千里水

湘江中峙一峰山，罨雲班竹參差外。  
夢雨靈旂縹渺間，森森洞庭吹木葉。  
獨烹春茗對煙鬟。

送朱冑丈庶子湘中使旋

瀟水東流清且深，獨持公鑑照千尋。  
梗楠足備清時用，篠簜還畱後日陰。  
北渚三湘謳誦地，南江一派溯洄心。  
校經堂畔傳深意，鄭重當時集楚琛。  
丈新勅校經堂屬琦助其成

謁賈太傅祠

賈傅新祠卽舊型，石牀蒼翠井苔青。  
新書幸自成梁國，前席終難動漢廷。  
千古文章宗左氏，賈誼爲左氏學幾閒樓閣對湘靈。  
湔來一勺南宗水，不使三閭歎獨醒。

湘廩閣遺詩卷二

湘麋閣遺詩卷三

會稽陶方琦

花朝道中

迢迢羣騎度嵯峨  
嵐壑千重入望多  
山翠每從林外見  
花朝長向雨中過  
蘅皋日暮吟如許  
柳色天涯憶若何  
一曲清漣漾風影  
細看也似鏡湖波

過界嶺

已入邵陽

行人破雲去不知  
山淺深煙樹鬱蒼蒼  
後顧多危岑遙天出一峰  
俯瞰低麓陰  
小雨揣春澤  
清澗瑩道心  
高士多幽棲  
吾獨愧華簪  
何者自怡悅  
聊作方山吟

宿孟公山

朝從山中行夜向山中宿山中何遠近祇隔巖腰腹  
俯  
厂結幽扉獨寐類邁軸春鼃逞鯨吠夜理靜彌足悠然  
見鐙火微風響林谷谿月更朦朧照過幾茅屋

雨中望澹巖愚谿諸勝

巖竇玲瓏下急瀧高崖盤伏瞰雙江洞中石白何人杵  
但有溪聲到雨窗

府志言澹巖中有石牀石臼

煙黛叢林映石渠重重江水繞清虛草堂幾見山樗發  
願向瀟西去讀書

用山谷愚溪瀟西讀書園詩意

中分丹水碧潺潺竹嶼花溪相見灣多少尋常陵谷變

祇應無恙是西山

錢邦芭謂鉅錫潭已非舊處

邾河雨中料檢畫事

傍岸委施度仄坡荒涼時起榜人歌連山竹樹搖空碧  
細雨帆檣下曲河望裏雲天成暝易客中風水惹愁多  
銷魂不似吳船底枉費南州十斛螺

邦陽李令贈谷朗碑書後

生平悉耆漢魏石周彝秦當交紛紜我今持節下涿水  
邑碑首傳谷朗文湘川金石此第一隸意追漢無其羣  
莊嚴尙在籀斯則奧拙斂盡劍鐔紋肇封扉子嗣明德  
九貞流惠揚歡訴仲子明瑩秉元鑑惜哉斷磧無遺聞  
谷君有仲子封永寧侯傳名自古幸不幸往往榛莽鑿  
亦有碑今亡見邑志  
犁耨馬水林巒護終古杜老祠宇留孤墳谷君墓在馬  
水鄉其碑移  
于杜陵祠  
得不壞 摩挲足發思古意目錄證左徒斷斷流連贊

湘麋閣遺詩

卷三

歎意不盡仰觀青麓飛晴雲

泊青水灘

迤邐帆牆繞翠岑重重雲壑度幽深窗前暮靄連郴水

枕底回湍下邾陰一岸河流通復迅四山林影轉船深

浦南佳處無從覓空拂蘭風過碧潯縣南六十里爲直  
釣巖有浦南佳處

四字元  
人所書

桂陽使院坐雨

窗外有  
雨池

微風颯然至空池響暗落長簾散餘風疏鐙晃官閣深

夜生秋氣每念衣裳薄豈無天涯感同心坐離索

衡江夜舟聞雁

空江夜靜煙水暝連隄官舫鐙火深遼天雁聲忽吹落

蕭蕭響入楓樹林自嗟勞宦苦形役帛書遙動家山心  
明朝弭櫂衡麓下軒轅道士誰來尋

湘江道中寄襄娛園漚堂寄龕諸子

遙睇音書慰別顏迷離雲樹有無間黃華佳日添新局  
秋柳西風憶故關幾曲清湘照紅葉半年游宦徧青山  
故人比我疏慵甚衡鴈飛歸總不還

得仲修全椒寄詩依韵畱之

皖山落雁楚波鴻兩地相思渺渺通芳杜洲邊懷暮雨  
黃花簾畔度西風尺書忽向南譙下舊夢還思鏡水中  
卻歎天涯成薄宦著書心事祇君同

雪窗書興



繡帷相映色晶瑩滴粉搓酥比未成一夜瀟湘江上雪  
又添官閣煮茶聲

冷吟還憶門尖又竹屋圍鑪水石家謂娛園那識年年勞  
宦意相思多半在梅花

十二月十五日夜泊洞庭望月

洞庭八百搖寒翠明鏡團團散珠穗玉京仙子驂鸞行  
濯髮冰壺水晶蛻君山一點玉琢九黛花百斛鋪霜紈  
靈娥含睇撫瑤瑟蘭風挽水流雲端仙島低涵銀浦影  
珠旂翠佩荒荒冷天香夜卷蒼梧煙平照鮫宮一千頃  
東汀碎綺凝肥綠蘅芷飛馨透金粟十萬琉璃瑩碧光  
圓蟾印徧湘妃竹神仙縹緲浴金波蓬瀛翠水今如何

湖面寒輝約輕素靈槩瀾凍雙青螺瓊樓貝闕耀金碧  
老蜨含漿挂帆夕不聽神仙鐵笛聲沙頭沈醉蒼龍魄  
冬日坐岳州使院試諸生

嚴密虛堂坐遙看彩旭生天心愛寒峻雪意化冬晴深  
愧高瓴勢羣思廣廈情盟心此湖水祇隔岳陽城

正月八日出城校騎射

飛馳采節下圍場與騎超騰繡纛揚新歲晴曦開穀日  
畫轅嵐黛翳林塘萬人空巷觀星使十里圍峰繞岳陽  
最愛臨江帆幾點東風相送過城傍

登岳陽樓

張松坪前輩  
邀飲於此

飛甍傑閣勢嵯峨巴樹湘雲縹緲過風月當年賓讌盛

江山此地霸才多天連吳楚千帆雨水匯荆襄萬里波  
領取前賢憂樂意憑闌何處寄高歌

凌空洗眼水雲浮吹笛仙人幾度游萬古乾坤滿湖水  
一春風物此間樓金沙翠島分遙黛青蓋紅旂據上頭  
入夜西風新雁起梅花香雪徧汀洲

夜雨泊岳陽城下和蔚生

千點飛帆簇彩旌試鐙風細賦駢征平沙杳杳連雲夢  
寒雨蕭蕭入楚城遠夢尙通金浦戍水經注湘水入金浦戍卽巴陵  
情誰理玉鞞笙汀洲蘭芷分明鏡合向西湘紀使程

洞庭觀日出

赤沙蒼莽紫雲櫺洞庭湖邊觀日出水精宮殿明珠收

萬點黃金盪飛滿天雞一叫樽桑開琉璃疊翠朱輪回  
星河倒瀉入滄海照見上界金銀臺東湖西湖兩龍逐  
放走中江八千斛千里遙遙鼉鶴洲西湖名萬頭戢戢魚  
鼉屋須臾密霧團波氣上不見天下無地風馬雲車指  
顧生南溟忽化丹橋戲大波小波爭盤旋溫源彩旭翔  
岷川錦蜨橫卷蒼蜃散誰知我亦蓬萊仙

蕭公廟

楓葉蕭蕭響遠林夕湖雲合起遙陰大波流入沅江去  
寒夜聽來春雨深時序裴裒行客感江淮漂泊弟昆心  
時與甄伯家兄談往事蕭公廟畔無多路煙水微茫夢裏尋

澧州使院花朝後一日坐雨有寄

新詞重疊寫春羅客裏閒愁長碧莎中酒心情天氣近  
上春池館雨聲多暗雲幾斛吳江黛芳訊頭番澧水波  
祇有相思似香草不知南浦種如何

澧州雪夜紀夢

雪花翔空散琉璃東風吹皺湘沱水沈沈飛夢澧江邊  
遙隔東西兩沙觜蛟宮夜挂明月珠珊瑚照徹紅羅襦  
忽然龍女弄狡獪化出玉樹三千株娟娟春岫香蘭草  
瓊佩玲瓏下仙島空說天宮寶屑多應憐洛浦鉛華少  
冰斂虛掩了無痕蠹甲餘香繡被溫咫尺湖陰尋不見  
梅花雲影又黃昏

清明坐雨用褚心筠學使沅江野宿韻

時褚亦督學楚南

春申坊畔聽嘯鶯佳節流連駐使旌江上愁心滿風雨  
天涯今日又清明綠波南浦何堪憶黛色湘山幾處迎  
驀記東闌修笛處柳絲煙點白門城

舊時曾在吳城度清明

### 季春十日得辛楣吳門寄書率題寄懷

盼斷東風滯雁程吳波湘雨未分明畫輶橦葉黔中路  
爲黔中郡辰州而上古春水桃花白下城見說江南游宦跡更深  
昆季別離情十螺書墨如堪寄遙想春山點黛輕

辛楣事聞攜姬人居蘇

### 春申君

墓在常德府治

養士不能得死士珠履三千尙何恃翩翩濁世佳公子  
富貴一身偶然耳生脫太子逃出秦高功偉畧非恆人

生時甲第連吳苑，沒後荒邱畱楚濱。  
自古華奢智常短，奸辭誤聽殊非算。  
陰謀祕計天不容，擿首棘門向誰怨。  
朱英獻策爲酬恩，無奈君心晚節昏。  
當斷不斷禍之始，李園進妹心已死。

雜興

猶思藍尾戀韶光，官閣清閒日已長。  
春霽草根吹撻末，午晴花罅走顛當。  
微風細柳彎弓地，淺草平蕪試馬場。  
如此銷磨太岑寂，漫將駸句付奚囊。

界亭夜坐

水田黿鼉鬧，棧更紅燭朦朧雨。  
意生正是鄉心無著夜，萬山深處一鐘聲。

攬衣歎起意徘徊酒渴還添茗一杯夜半巖泉落窗底  
滿溪薄豔戰輕雷

王村

險踰十二灘高躡三百梯小稅駢征勞心神少和夷嵐  
翠落窗牖微雨過東溪會此悠然意林壑乃端倪日夕  
崖氣深林閒聞竹雞

博古坡聞蟬用韋蘇州始聞夏蟬韵

仄坡躡百仞日景微就暝偶發山蟬響蒼莽萬重雲澗  
憑尚中節清高實眇羣少閒徬徠處越嶺耳猶聞

五更枕上聞溪水暴至聲

使院隔城僅幾丈城外  
滯雨連日溪流下山聲

震几

閣



簞簾晷曙雞始號前山浩浩流奔濤乍疑千軍宵濟亂  
又猜萬壑松聲囂倏然飛揚大風起巨木盡亞洪殷尾  
更如夜半龕赭潮萬片蘆花扇秋水轉騰澈冽懸飛淙  
瀑布一落千丈峰或赴深潭陟絕峽驚起沈醉蒼虬龍  
大溪小溪迴流鬩盪魄搖魂常入夢砭崖礪駭出危灘  
不辨老龍與茨鳳自沅陵至永順最險者老龍灘茨鳳灘今非其時來何  
聲瀑雨十日溪水盈天清地靜忽騰涌撼動十仞南山  
城石本無聲水流漫陟作叢湍馳澔澔出山泉濁在山  
清何以驗之此平旦

寄娛園書并致寄龕漚堂

蠻山濁暑度陂陲藹藹鄉雲遞楚波萬里溪州行使遠

一春花木故園多微雲樓畔看紅蕩銅鶴堂前護碧莎  
卻望舊時淮海月相思咫尺更如何

和弢夫徐州使院月下聞笛韻

纏絲密綺寫連環劇憶沈沈鎖院閒吹笛天涯初霽月  
填詞簾角小重山竹西舊夢拋金扇花底清輝照玉鬟  
莫對鬢絲悵觸處怕他三弄似陽關

得子宜順昌寄書

君宦閩南我楚南天涯飛雁遠何堪漫思翦燭歡何地  
寂寂當年金螭盦

經幃同問鄴侯書

謂越縵先生

樸學覃覃許鄭初不爲麤官

廢弦誦一編猶自注蟲魚

永順使院臥病用韋蘇州移疾貽諸祠觀詩均  
衿袞未紛散安得渥丹顏  
參病深巖中歎寐自竊閒  
長日雨條條無人启戶關  
王事正靡盬四牡何時還  
溪州風俗厚使余適其間  
藥氣晚疏帷溼霏迷近山  
俯唱韋公詩恡意欲躋攀

乘月行虎視坪

蚤發虎坪道曉月照山路  
參差崖氣斂溟濛隔煙霧  
遙岡黛深晉近樾影齊  
俯水田綠楷葉微光泣  
晞露委遲出叢箐明暉  
燭泥淤但聞行馬聲不見  
行人履此時心逾靜巖霽  
屢回顧曙色启東方已涉  
牛潦渡

行灤水邊望沅州城邑

沅州東峙無溪濱深秀川巒景物新千里牂柯衣帶水  
地理志無水首受故且蘭南入沅行百九十里且蘭屬牂柯郡一城雲樹畫圖春芙蓉  
多半傷離客香草何緣憶美人攢見清風披拂處玉屏  
流影碧鱗鱗

志言無水自玉屏縣城東流二十里至挂榜灘入藍江界

### 沅州立秋

梧桐一葉思如何風露初涼畫檻多宦跡頻年易裘葛  
秋心如水下牂柯玉屏山色添青黛冰簟花光沁碧羅  
知有一行新雁過頭番憐爾照湘波

### 觀明將鄧子龍飛山碑詩用其元韵

南荒奇氣鬱亨堯磨盾英風墨未消孤嶂高凌黔粵險  
靈宮雄瞰鬼神驕

飛山上有神宮

將星夜鎖千盤碣渠水秋圍

萬峒苗虎氣猶疑橫劍出蕭蕭遺壘認前朝

靖江雜詩

采采夫容沙際洲

魏了翁鑿芙蓉洲

千叢花葉映清流年來雲

水荒寒甚併作渠江一味秋

寥天新雁度湘關萬點蘆花秋水間采得金英渺何處  
夕陽紅上侍郎山

蒼崖潑翠埽重雲猶帶黔荒舊障氛幾日飛仙涼雨過  
更無人拜故將軍

分流溪水繞城枌檐楯秋光接畫嵐燕子磯頭盪輕靄

教人寒夢落江南

燕子磯在靖城西

秋曉詞

絳霄冷貼銀河渚玉鐸西風戰涼曙青鸞十二畫屏閒  
一點秋心漏煙語繡絲金麝燒百回玉京仙人鎗佩來  
幾尺明簾晃湘紉江上夫容花亂開

暴雨傾折窗牖一夕不寐

夜來秋雨勢猥總力折欄葍殞窗甃危機歟類巢幕燕  
朽木散若霏秋蒲巖牆不立固知命句萌禍福道豈殊  
杯蛇穴鼠疑未了自歎胷中亡立珠垂堂千金理不坐  
大廈一木力孰扶夢中往往動震懼未免昔智成今愚  
漫說萬間庇寒土片椽安枕吾已無吾終信理不信數  
母擾魂魄同驚鳧更願不忘躋堙戒日愼一日如此夫  
敦夫寄襄詩有人字韵甚佳

玉堂風月思清新萬里關山夢幾巡楚塞青蘆秋水雁  
薊門黃葉夜窗人銀蟾綺蝶猜原幻青鬢華顛認未真  
敦夫新次弟看花秋未老且聽吹笛步黃塵  
留鬚

會同道中

重涉金潭道隄行繞曲林稠煙江市遠密雨晚山深虛  
樾生秋氣澄泉洗道心晴嵐無可望巖屋倍蕭森

瀘溪依春潭均

西風我重來漫漾瀘溪涖戢橈薄餘暝但隔十餘里秋  
林冒虛靄煙瀨旋深水緬思征蠻功炎瘴今未已

清浪灘用放翁懷湖湘舊游均

行舟放溜如長虹秋瀧洄瀾騰飛空羣橈削淀碎黃玉

蒼壑圍潭亂風竹疾淙九折團水花清浪卅里無人家  
神祠處處薦菱蕩廟硯倚門敬鴉酒上有伏波廟  
廟有神鴉大波  
飲飲橫山行連方銜尾裂瀾聲但聞眾聲叩若水我亦  
虛徐拓篷起鼓流趨截亦胡論庶汭卻護官船尊朝夕  
風波應勿歎風詩解作臨淵看時在舟中  
輯魯詩

丙子望桃源山色用東坡題煙江疊障圖均

不辨花源遠近山白波青障涵秋煙疏疏林麓曉霏沓  
但聞流水聲蒼然橫江斂村蟹舍盪空翠白雲亂瀉山  
中泉清谿幾轉更幽邃春來便是桃花川桑稀稻熟廬  
宅合時有霧雨浮窗前我來正逢秋晦節篷窗艷淡紅  
連天林巒縹緲畫不到荆關老手難爭妍柴桑先生豈



是好事者此中曾欲來畊田君不見園池花木亦人世  
洞中父老知何年款畱雞黍意殷厚攜行芳草春嬋娟  
偶然香醪供一醉風巖水瀑畱人眠流傳自古易失實  
夢中幻境夫容仙到今邛壑出塵境誅茆結隱無其緣  
江山清妙似文字勝讀蒙叟南華篇

貞蘭篇 爲衡山譚烈婦賦也

烈婦名帙能詩適同里譚氏子家貧爲人傭烈  
婦安之未二載夫死于疫烈婦冀養其姑不得  
死姑偏其嫁不能因誣讎之遂絕粒死死後邑  
人痛之余聞其事見其詩集行文查核思爲旌  
之而已爲會  
相國請旌

吁嗟幽蘭兮在山之顛水之湄貞心耿耿終不移承流  
一道合湘水一照千丈清漣漪淩家有女譚氏婦詩禮

門楣一編授長成嫁得田舍郎夫耕婦讀死央偶吳穹  
忽降札瘥劫叔天翁亡夫又折斷腸一慟死何難祇爲  
衰姑誰侍恤姑不諒兮命不猶美唐未及虛甘羞其姬  
誓母死靡忒庶女評冤天亦愁總帷三載沈悲苦皦皦  
閨中首陽伍皮金翦字詩百篇有清湘集一卷白圭磨削名干  
古衡江洩洩山蒼蒼依然樓閣銜清湘不作冤禽化精  
衛定然芳豕生都梁都梁兮披拂裏孤馨兮未沫恐懿  
湮兮微沈令采風兮太息采風兮南嶽旁闡幽潛兮敷  
芬香築懷清兮並陵燿漆室兮躡光播芳馥兮南紀結  
貞蕤兮高且長

湘麋閣遺詩卷三

湘麋閣遺詩卷四

會稽陶方琦

海槎藏書甚富又好爲目錄之學書此報之

西頭快閣晚晴天雲水空明文字鮮數萬圖書恣供養

幾年心力費讐編吉金宜合雙周器

海槎藏伯愈父盤余藏周伯愈父簋

精槩還齊百宋塵

君曾爲百宋一塵賦書目攷

早向亭林識宗悌搜

羅墜業意皇然

本來身外卽浮雲邃密商量爲咫聞舊宅杜鬢多散佚

郡中杜氏藏書及山陰鬢氏皆燬于焚劫

同時丁陸亦精勤

謂陸有齋及丁松生

頻年

自歎成荒落古簡還期其賞欣卻慕前賢思適意未應

膏晷徹宵焚

題宗湘文太守愛山圖卽用元均

兩年飽看湘山麓過眼煙雲等陵谷故鄉有此好湖山  
橫覽圖中意俱足吳興湖畔雲水漫一臺俯照白玉盤  
秋嵐春壑態百變絕勝峭壁蠻江湍前年試永江臥游風湍泉險  
太守意傑出清心直褒髯公席當時五馬飲春湖雪樹  
茗花多手植弁峰城堞隱青鬢指點蘇臺縹緲閒宦情  
淡入嚴江瀨遺愛分明到此山嘉熙一石關千旦重別  
苔薌文餘半生平癖嗜金石緣爲見使君徒贊歎

哭朱宮詹文

劍閣飛宮暗使星玉清徒仰舊儀型南園猶導乘輅路

西蜀虛畱問字亭

文在湘中教士有方時人比之錢南園

報國文章仍未

事愛人遺德在尊經

文遇事沈毅有畧不甚欲以文章見及視學楚南具見風節琦適與

丈後先相代丈以

傷心重讀丁侯疏清節流傳涕更零

昔年京輦數羈畱曾坐春風許息游視學無時忘鄒鄭

文在蜀中刊王

憐才何止並韓歐

琦衡才湘中凡畱來皆問近得有何佳士

應增薄海斯文痛不愧

中朝弟一流太息鹿亭遺集在姚江文藻共千秋

謂鎮夫同

年

### 雨中游西湖同雲門謬士

細靄浹澍結水隈萬屏蒼翠未全開西湖本自如名士  
笠屐千秋幾度來

櫂船容與水潺潺東葛南屏縹緲間自信平生煙水氣

幾人能看雨中山

權轉蘇隄薄霽張重重雲影盪嵐光湖樓隨意看春柳  
低隔冥濛小苑牆

劇念元龍作導師樊山到此快吟詩憑闌共聽梧桐雨  
清景人間恐未知

秦淮夜飲

水閣通明卷碧紗離離煙影遶河斜青溪吹笛新歌舫  
紅袖開鎗舊酒家暝霧涼生烏榜雨水風香近冶城花  
南朝金粉無多贖且聽桑根醉客誇

渡頭桃葉鎮相思隔斷春江總未知箏底玉環畱翡翠  
扇邊金縷認胭脂畫船聲過簾搖影銀燭光深酒汎卮

一帶秦淮淒邑水那堪重照鬢間絲

幼住金陵已卅年矣

暑夕寂坐寄藍洲

客窗役編輯文獻徵前古伏居宜舒散胸中浩無主  
麾扇引清風養日迫昃午凡事識前定此心已無暑  
去年客吳門日倚山塘櫺柳絲曳濃陰荷花盪疏雨  
今茲居鄂山養痾愧尠補炎塵疊書几湔除渺河澣  
人生各有志胡不歸樂土且與游林澤無憂聽鞀鼓

時福州有警

黃子壽廉訪年丈招飲鶴梅堂

臬署後山卽黃鶴山丈新補種梅花

三百樹

閒時佳興與人同巾屐翛然鶴麓東平楚江聲官閣上  
晚霞山色酒杯中一峰桐葉畱清蔭百樹梅花補化工



長侍笑談如昔席醉歸林外蠟鐙紅

夜渡黃浦

偶然惜別思曹騰琴舄流連意未勝賸有秋心聽櫓響

久無春夢到觚棱

時送雲門北行

江頭帆葉銅樞雨牀背簾衣

粉檻鐙

時坐夷航四壁皆旃罽釭鏡

絕似愁人青弋渡水花風葦隔

層層

吳門雪夕

樓堞溟濛雨意沈凍雲回合望鄉岑房縣細熨同功璽

梵夾輕書舊澱金

時新寫成金剛經一裘

客裏光陰溫茗久簾前

風霰點鐙深鐘聲若過寒山寺先落蕭蕭楓樹林

田杏村同年邀海槎與余登臥佛寺樓觀明釋藏

初春雪霽風日晴招游佛院心迹清高樓縹緲出山半  
憑闌望與西城平啟觀經櫝切題識尙是前明舊雕刻  
貝葉塵凝古墨香禪關鐙闇名藍色越中釋藏存恆散  
古刹收傳未淪渙開元釋教目可偕法寶勘同知者罕  
至元法寶勘同總錄竹汀先生元史藝文志尙未收入竺蘭舊譯畱多少佛國一  
經出東島琳音百卷續希麟尙許儒經恣按討倭中近出慧琳  
大藏音義百卷又希麟續音義十卷同人愛古有閒情訪求梵律志合并  
且喜今年腰腳健始知靜坐何如行

杏村出洛思峰新出漢建寧縣

文曰建寧元年八月十日造

杭隲靈峰發古甄炎劉迢隔幾千年南天金石何曾陋

東浙溪巖本足傳土鏞奇文徵馬衛

刻有馬衛將作四字余謂馬衛乃人

湘麋閣遺詩

卷四

四

名將作者督造之義

從京舊厯溯龍躔永元一鏡無由見寂寂何

人考墓田

塘中尚有古鐙鏡有文云永元二年依志言此山有朱雋墓也

感事和子虞

春波無限種靈蕖往事明明照玉蜍老去風懷多黯淡  
海邊花月總蕭疏雲萍片刻愁無定絲竹中年感未除  
十二碧城原縹緲步聲多半出淩虛

游莫愁湖

暝風遲日飲湖濱煙柳絲絲颺碧淪畫棟尙棲雙燕影  
好山如見六朝人間談昔豔摹金粉多事微波散綺塵  
欲繫蘭橈無繫處休將桃葉指前津

楊惺吾廣文自日本歸談所得古書甚多

瀛島歸來發異編東都紺軸尚流傳隨經舊寶支那卷

倭土新繙足利鐫訪古奇聞按解保日本訪古經籍志二十四卷解保著

獻經前代薄齋然春卿祕記盈綈匿文字還畱海外緣

長崎帶水有琅環手挈奇書渡漢關千古壁經畱劫火

君言所得七經皆隨唐卷子本六朝綳帙出仙山日邊徐市尋書至海

外張騫鑿空還從此遐蕃傳古本百篇猶恐在人間

夜過乃園坐暫亭下納涼復循行荷沼而反

皎月流雲裏清風忽微颺乘興開山扇悠然坐石牀竹

靄羃空隴樹陰覆重牆人定影可數地寬心自涼頻年

際暑夕抗塵居異鄉幸接麾塵談意緒引復長循行越

幽蹊不攜鐙燭光園莽落晴翳池荷發晴香無言得靜

趣此境庶莫忘自信泥不滓長依有道旁

詠物四首同遲鞠

藐彼青田侶神仙具夙姿不羣真大雅多壽見清儀高  
漢回翔處孤山退息時重陰連九澤翀舉欲何之

右鶴

斗奮摩天勢重霄隔幾層臂韝今脫落軒翥愈精能平  
野驅凡獸垂雲讓大鵬胡氛猶未靖側目爾休矜

右鷹

鋌走亦何事深山居自安旅行得古禮散采應天官

春秋

緯蕉夢閒疑淨仙巖野性寬中原無尋失奚用入林端

右鹿

神相自英特毋爲曠堦游延年等犀甲辨字象离頭說文  
眾字大澤連羣去函關望氣畱姬家舟楫利戰勝有深  
解籌

### 右咒

### 感事

荒唐山鬼幻前盟海上創夷苦甲兵大將纛旌思舊部  
中朝袍澤憤同聲輕鞍射虎心還壯快刃屠鯨事或成  
不是談戎空誤國卻愁夷虜貌 神京

屯騎如雲旂若林玉關飛信忽消沈何須債帥尋和約  
莫使元戎失將心江上鼓鼙書駱驛 禁中刀敕語嚴  
森彎弓原爲蒼生計豈惜按牢百萬金

夜宿驩河

闐然一室類槃阿，燈火通宵萬慮多。  
破曉人間動雷雨，安心夢裏走關河。  
奇香蟠錦何容祕，飛劍金鋒不敢磨。  
長住深山食春筍，不知滄海近如何。

時聞粵西之警

夏月客居鄂山與藍洲過從最密

人生本如寄，會析任所遭。  
暑夕苦繙帙，自歎胡繇熬。  
客居滋鬱悒，心閒思易撓。  
自數晨夕樂，重以故舊交。  
孟公篤古誼，如飲芳醕醪。  
類聚氣易暢，慮澹懷乃高。  
偶然共餐飲，不厭粗酒肴。  
文字得同志，溫飽非吾曹。  
性情若鼎彝，眞贗爭秋豪。  
當時樂未覺，後憶情徒勞。  
相期各喜慰，無庸吟楚騷。

江亭小集分韻得亭字

舞衫歌扇宴江亭  
花外東風倚玉屏  
人世百年無此樂  
西山一角有餘青  
明窗蘆荻看疏密  
淺夢琴尊雜醉醒  
集者十人卻羨南窪新柳色  
陰陰長有玉驄停

秋夕

秋夕生遠涼  
雨氣傍鐙落  
零風裊虛帷  
沈星睨高閣  
含愁耿不寐  
始苦衣裳薄  
睠念同心人  
簾前益淒索  
有所思

瑤階生秋卉  
豔窈非陽春  
寂寂珠簾下  
含愁有玉人  
金鑪熏素夕  
錦箏動朱塵  
蘅皋日未暮  
相念詎相親

渡江



晴翠熏空暑風斂行舸欹側波虛掩朝朝常在鏡中看  
不及金焦青兩點濁河決滯千里流參差叢樹疑沈浮  
天涯行路渺何處江鳥江花相對愁昨宵猶宿江南路  
今日飛帆江北去水面誰吹玉笛聲涼雨濛濛到瓜步  
雨夕和心雲來韵

海上雨初至人間高處寒大江流沙水一雁入雲端凡  
籟諸方靜天涯此夕難鄉心千萬轉多少付回瀾

湘陰夜泊

空江暮夜氣激暉望如昔羅城鐙有無遠塔上雲跡森  
森湘江水深煙釣寒夕愁心在天涯羈衿思詎釋

鼇山

耿午散重陰，隄度大鼇嶺。東風嵐氣鬱，疏翠汎溪影。竹  
樹納春致，蔥蘢發欣幸。不知身過此，但覺心俱靜。崇椒  
一躋眺，歷歷辨巔頂。登高豈不險，勝蹋泥與瀉。冷氣白  
雲嶂，斜通翠微徑。騁游意未足，東風變崖景。

夜泊茨灘

亂石飛瀧擁上游，風聲日夜盪谿洲。雲間波浪連三鳳，  
世上功名等一鷗。欲濟艱難恃舟楫，猶扶忠信涉蠻流。  
鐙前東下羅衣水，咫尺靈湫起怒虬。

沅州使院七夕

烏鵲南飛香茝洲，綺寮河漢迴寒流。沅江不隔且蘭水，  
地理志沅水出故且蘭小顏注且音苴。風露徧成此夕秋，天上玉繩低楚

塞酒邊銀燭傷吳鉤熏香理扇多清趣那用蠻櫺寫別愁

閔行守風

桑葦搖寒江遶帆行若駛客夢不還家有如此潮水  
日居家衙樂未知羈旅難不見岸上行更比舟中寒

送陳藍洲

豪

出宰楚北并送其南歸

粵采質難問道義貌自尊陳子尙風操師友見根源外  
默中有理實懋華不繇藝林僉宗仰獨以古誼敦太歲  
旅闕逢駢舄居都門春明傷淪謫相愛難爲言惟君破  
沈惑孟晉策迨羣文章世莫貴貧賤情易恩風塵正傾  
洞君爲民牧身讀書勉有用古治多無文楚材萃秀良

清風思故人天涯一作別送子反邱園臨歧思贈言悲  
離罕一陳時事卽衰晚真樸庶可信相思隔湘浦秋心  
落葉紛張子預行獨歸王郎詒壽歌莫聞或遲秋風起  
觴君湖水濱

湘麋閣遺詩卷四終